



朱文端

公年譜



光緒甲申濬河
廣仁堂較物吳
縣吳亦澂署檢

朱文端公年譜

〔案〕 公年譜原編於六世孫瀚流布絕少且於生
平行誼 列朝恩遇不無簡畧船時爲言公

重梓藏書爰取公 國史本傳誌狀碑版與夫載

籍之可徵者補訂之冠諸文集之首後之稱先正

錄羣輔者庶其有取於斯同治八年二月六世族

孫胎謹識

公姓朱氏諱軾字若瞻園自傳云又字伯蘇劉宮保

公之名表文達公名歐鳳詒云吾鄉朱文端公名蘇

陽之名其所自待如彼 號可亭世居江西瑞州府高

朱文端公年譜

王玉林

一

廣仁堂
叁五玖拾

乙未進士歷任刑部郎中治獄多平反矢心清白之

官不攜家累年五十卒於京邸惟一老僕侍矚曰未

能報吾君親歸以忠孝二字語子孫迄今族姓繁衍

間有家庭詬誶責以公遺訓未嘗不慄慄也三傳至

官一公諱應洪積德勵行鄉里稱長者時羣從科甲

蟬聯家門赫奕公懷盈滿之懼乃結茆邨北之良溪

詠歌遊釣以自娛久之遂家焉又三傳至公曾祖竹

亭府君諱崇遂厭薄舉子業從吉州鄒東廓先生遊

潛心理學發明天人性命之旨著述甚富萬歷之季

出粟賑饑活數千人直指使欲上其事請旌固辭止

之早歲艱嗣娶李氏晚乃生子二次爲公祖斗如府君諱朝綬邑庠生娶張氏生公伯父君馭府君諱輅郡庠生又娶孫氏生公父北坡府君諱極光娶冷氏上高邑廩生泰女曾祖祖母俱以公貴

覃恩誥贈光祿大夫曾祖母祖母俱

誥贈一品夫人

案公考光祿公行述云王父卒時府君甫離襁褓張夫人持府君泣曰身家不兩全悉使取之庶活此藐孤也語聞競侵攫瓜裂過半產去賦存適完而公兄弟四人次焜次曠次炯公其長也家僅矣

康熙四年乙巳 公以八月十一日生於良溪里生而

洪聲廣顙顙骨插鬢稍長岐嶷大口長目步闊二尺

朱之端公年譜

王玉林

二

黃一松
肆百伍拾陸

見者已知爲非常人案陳守譽重刻輶車錄跋云公高祖當明嘉靖之季賑荒之功相傳公之祖曾極大至公曾祖及祖皆有賑荒之功相傳公之祖曾遇大饑既竭己之倉廩以賑之心猶未已乃借於同姓之富室以繼之其人亦好善慨然付借及秋熟加息償之其人愕然曰君本濟人何償焉公之祖曰吾本借耳安得不償彼此再三推讓其人不得已乃受其償而歎曰此美事讓君獨爲之矣公之先世如此天乃篤生公以報之嗚呼積善之家必之餘慶豈不信哉豈不信哉

五年丙午 公二歲

六年丁未 公三歲

七年戊申 公四歲

八年己酉 公五歲

九年庚戌 公六歲

是歲嫡祖母張太夫人卒案公妣冷夫人行述云妣甫生兩玉母喜甚欲覓乳
婦吾母曰生子不自乳使寄食於人何以爲人母况
家貧安所得傭值耶不孝等甫能言教以唯諾學步
教以退遜至五六歲猶
置膝下不令與羣兒嬉

十年辛亥 公七歲

是歲少祖母孫太夫人卒 公始就外傅從族兄枚

及授讀塾中客指鋸板令爲破題公應聲曰送往迎

來其所厚者薄也客大奇之有神童之目案公與族

總角入塾輒爲族中長老所愛憐明子伯常誦塾師
曰此吾家千里駒也爲我善教之父公鼎時文序云

枚及予受業師也

十一年壬子 公八歲

宋文端公年譜 王玉林

十二年癸丑 公九歲

十三年甲寅 公十歲

案公考光祿公行述云王父念一生攻苦下帷三登副薦卒抱荆泣以此憂鬱致傷其生遺命數百言歷道孤苦困躓及育子之艱詞甚悽切不孝軾幼時於神櫃中拾書府君聞而哭不孝亦哭鄰里來訊問皆相對嗚咽王父著作盈笥府君每一繙閱輒涕零嘗以王父時文授不孝讀未竟篇失聲長號一慟幾絕自是不復省覽云

十四年乙卯 公十一歲

十五年丙辰 公十二歲

十六年丁巳 公十三歲

十七年戊午 公十四歲

十八年己未 公十五歲

十九年庚申 公十六歲

二十年辛酉 公十七歲

二十一年壬戌 公十八歲

是歲讀書龍城寺

案公公鼎時文序云公鼎予孫行長予一紀歲壬戌肄業龍城寺同人甚眾獨公鼎與予相得益彰余金熙朝新誦朱文端公少好學用志不紛塾師嘗飲公不與讀書不輟師命擧夫遺以酒肉置座間若無覩也

每見古大儒名臣循吏之行輒筆記之

二十二年癸亥 公十九歲

二十三年甲子 公二十歲

二十四年乙丑 公二十一歲

朱文端公年譜

王玉林

四

廣仁堂
壁音柴抄

是歲娶夫人陳氏

案儀禮節略昏禮附論云吾鄉婚禮日親友釀錢為賀婿家置酒高會飲畢少年轟逐入房撒帳勸酒甚而以墨塗婿面針刺侍婢謂之鬧房予年二十完婚先期告之族長及親戚之長者嚴為拒絕嗣是吾家此風遂息

據此原編稱娶夫人陳氏在二十二歲者誤也

二十五年丙寅 公二十二歲

二十六年丁卯 公二十三歲

是歲試於府為知府河南李公澧根所知拔置第一

應道試提學道長洲何公棟取入郡庠

案公光祿公行述云丁卯

不孝軾補博士弟子員亦授徒里中父子硯田為活

僅謀朝夕武億李堅行狀曾祖澧根由戶部郎中出知瑞州府明敏多惠政拔高安朱文端公於寒微教之卒為名臣張望陳翠池遷瑞州府教授朱相國文端出門下嘗許文端子巖廊可待也吾于南城得梅生今得子必勉之梅與文端皆貴盛而文

端尤為名臣

二十七年戊辰 公二十四歲

二十八年己巳 公二十五歲

二十九年庚午 公二十六歲

三十年辛未 公二十七歲

長女朱貞女生陳夫人出

三十一年壬申 公二十八歲

三十二年癸酉 公二十九歲

秋八月應江西鄉試領解主考翰林院編修宋公大

業戶部郎中王公可大宋拔公於落卷中評云遍閱

朱文端公年譜

朱廉

五

廣仁堂
叁百肆拾壹

通場雖時遇賞心總未離時徑非流膚淺卽涉粗疎

每歎合作之難獨此卷清空天矯百折千迴古氣淋

漓筆力遒勁直從八大家中沈浸沐浴而出西江此

調久不彈矣得此反覆欣賞狂喜累日觀其命意措

辭迴絕塵表直如天半朱霞雲中白鶴斯真曠世逸

才伯祥大士之後一人而已披冠多士以為起衰振

靡之式宋為大學士文恪公德宜子揭曉相見歎異

曰河目海口惟吾先公今子繼之矣

案公光祿公行述云癸酉禾大

無斗穀百錢不舉火者三日夕幾鄰於芋以

貨免膺鄉薦府君竭膏髓營諸費遣赴計偕

三十三年甲戌 公三十歲

春三月捷胡任輿榜進士主考吏部尚書熊公賜履
禮部尚書杜公臻兵部侍郎王公維珍工部侍郎徐
公湖同考翰林院編修沈公辰垣王有江深五里海
深十里之評沈尤擊賞謂陸歐復生也

夏四月 殿試三甲 賜同進士出身改翰林院庶

吉士習 國書

三十四年乙亥 公三十一歲

在館供職 是年

覃恩封公父徵仕郎翰林院庶吉士母冷氏七品孺人

三十五年丙子 公三十二歲

朱文端公全譜

朱廉

六

廣仁堂
卷百貳拾叁

在館供職

三十六年丁丑 公三十三歲

散館以知縣用

案散館故事

御試習清書者

不必漢字底稿者公從其言卷進

呈則清

書無漢文底稿者皆為違式以知縣補用

三十七年戊寅 公三十四歲

在京需次

案公李怡齋墓表云憶康熙三十七年軼需次銓曹儼居城南僧舍

三十八年己卯 公三十五歲

在京需次

三十九年庚辰 公三十六歲

選授湖北潛江縣知縣迎養父光祿公母冷太夫人

刊註

上諭十六條以教士民序略云載起家

縣令筮仕得楚之潛江思教民易俗莫如

上

諭十六條爰用楚中鄉語註為訓解使婦人孺子皆

可通曉朔望親集士民宣講於明倫堂又優其禮數

使各解說於其鄉軼偶以事出郊坰輒召其父老子

弟為之解說環立如堵牆人人傾聽

案鄂爾泰撰公神道碑略云潛

江楚劇邑民澆吏黠俗傲賦繁公至

下免耗之令正供之外一無所取

四十年辛巳 公三十七歲

在潛江任 公廉介不苟羸糲自甘陳夫人躬紡績

為助衙署蕭然不異為諸生時有一帶經十年做甚

宋文端公年譜

周日新

七

廣仁堂
伍百零肆

不能復留戲作長句別之云云

案公有四餘堂詩鈔自注云四餘署中有

是額謂三餘并公餘也集為嗣孫世爵所編蔣士銓

序云公詩不事規撫不尙粉飾以直達性真為主賦

內篇什大抵為諸生及宰潛江時作也又朱筠詩河

交鈔先府君行述云王父諱登俊筮仕湖北之長陽

縣當是時高安朱文端公亦為湖北屬令兩公以同

姓約為兄弟相得懽甚其循良之跡湖北人稱之以

為兩公伯仲也府君居恒又數為

不孝言文端清風儉德未嘗去口

四十一年壬午 公三十八歲

在潛江任 秋筮註李長吉昌谷集成

案是箋板本流傳絕少從

叔父葵泉公會於京師琉璃廠書肆購得第一二殘

帙兩卷卷端標題朱可亭箋註則非自為刊本可知

也有自序一首采入文集補編又序是名印之外副
以學宗濂洛四字公之志可以知矣原編云是年
註莊子內
外篇未見

十一月長子必堦生於署側室謝淑人出

四十二年癸未 公三十九歲

在潛江任 時邑人有命案實係鬪毆致死公據情
審擬時湖北巡撫員缺署事爲總督喻公 疑爲

故殺駁飭覆審公仍照原詳以覆再駁再覆如初詳
喻公調公至省城詰責謂如此執拗豈吾所見不若
爾耶公和顏以對言獄貴初招令所據乃初詞公所
據者訟師所教唆反覆遁詞耳故未敢曲從也喻公
怒訶曰爾猶執已見吾不能劾爾耶公笑曰故殺罪
不赦畏叅劾而枉殺人令不爲也拂袖徑出喻公怒

宋文端公譜

董福泰

八

廣仁堂
參百捌拾肆

甚卽擬具劾疏其幕友以爲令詞直不當劾相持久
之新巡撫劉公殿衡至喻公相見卽述公事商酌劾
疏劉公曰吾在京師卽聞朱令賢信如公言眞賢令
也當共列薦牘奈何劾之喻公意解事乃已公政聲
益高逾年困者甦悍者馴法立而人不犯囹圄空虛
教化大行初潛江文風靡敝鄉試中式者寥落無幾
人公召生童校試拔其秀發者十數人月加課試指
畫口授接待優渥邑子弟見而羨之爭自濯磨蒸蒸
丕變曩所拔者六第擢巍科十年來科名鼎盛論者
謂與文翁化蜀比烈焉

四十三年甲申 公四十歲

在潛江任

次子璵生於署側室謝淑人出

四十四年乙酉 公四十一歲

在潛江任

十二月行取入都

案詩集別潛有銅符幾載竊君帽
又向金臺曳短裾除夕十年再上

長安道兩歲中分半夜時之句○船藏有竟陵王萌
楚辭評註四卷其姪帶存攷音公為校訂多所發明
如云高陽苗裔先敘家世遂為千古紀傳之祖正則
靈均於本名字外別創美號其今人別號之權與海
相道以下六章於山窮水盡處忽設悔之一想志益
堅情益深文字益暢此即孔子居夷之想自重華陳
辭以後飄然上征上下求索問靈氛要巫咸窮天極
地遊行踰樂忽然臨睨故鄉悲不自禁如聽繁聲而

宋文瑞公年譜

周日新

九

廣仁堂
伍百拾捌

忽寂如看蜃樓而忽散如夢華胥而忽醒令讀者神
搖目眩天下大觀於此極矣湘君告余不閒寫盡昏
庸之主厭棄老成之態湘夫人嫋嫋秋風二句開六
朝唐人無數奇句東君曰者君象皎皎既明有燭照
覆盈之喜非復長夜漫漫之象矣蓋深致望於君也
皆獨抒己見然校訂何年不可考案公詩集後載有
石城舟次懷帶存詞一首自注云去冬鄂歸帶
兄同舟時讀楚詞想是官潛時也謹次於此

四十五年丙戌 公四十二歲

正月到京授刑部主事旋轉本部員外郎

案前年二月御史黃

秉中疏言漢人一為知縣俸滿三年行取到部即得
考選科道殊覺大驟請嗣後行取知縣先以六部主
事用俟練習有年
始許考選從之

四十六年丁亥 公四十三歲

陞本部郎中

部中堂司多員異同莫適為主吏緣

爲奸莠正掣肘膺斯職者多媿阿因循以傳舍視其
官否則深文以避咎公慨然曰吾正患心未盡理不
足耳何俟論之惑每遇聽獄必諦審原委詳悉舊案
比合律例折以情理之中多所平反時有巨猾余姓
繫獄有力者代爲營救謂公寬仁必脫之公獨持法
論不貸衆撼以危言公曰吾識早定豈以勢利奪耶
卒論如律又公庫借逋已奉

恩旨寬免追呼有欲以培克見才者誅求甚急公與同官李
君陳常力持不可爭月餘卒如公議公受

聖祖仁皇帝特達之知實自此始

朱之琳公譜

董福泰

十

廣仁堂
卷百貳拾壹

四十七年戊子 公四十四歲

任刑部郎中

四十八年己丑 公四十五歲

三月會試充同考官分閱禮記房得士二十二入授
翰林院庶吉士者七人未出圍卽奉

命提督陝西學政

側室謝淑人卒於京邸

四十九年庚寅 公四十六歲

在陝西任 光祿公來視纔閱三月謂公曰此席豈
可多人遂決歸志留不可公元配陳夫人乃挈子女

以從俄而夫人以疾卒於路 公涖扶風率諸生謁
橫渠夫子廟因是博士繩武以張子全書泚漫重刊
未逮爲請公得讀全書每對諸生闡明張子以禮爲
教在變化氣質而實踐其事諸生聞之莫不悚然立
志期年關中正學豁然大明 又選刻名文爲校士
錄細加平點以訓主子 又手定造士諸格編藏於
篋遇門下士有出任學政者取以相示曰吾於是職
常瘁心力焉幸勉行之

五十年辛卯 公四十七歲

在陝西任 歲試冊報部科公不名一錢部科吏怒

朱文端公年譜

周日新

十一

廣仁堂二
卷百陸拾捌

拒冊不收故遲之爲公罪鑄二級調用時科試未竣
代者且至秦士入試院合詞監臨者請 奏留公不

得則大譁監臨爲好言寬之會有以其事上聞者

聖祖以問九卿大司寇韓城張公廷樞昌言朱學使公明廉
謹實爲空前絕後眾論皆同 特旨命領職如故鄂
碑云

聖祖仁皇帝休養生息垂五十年海內殷富江湖寬深藏疾
納垢有貧夫墨吏幸脫堯誅而公獨危苦凌兢屹然
有立凡公所以受知

三朝出入貴重蓋自作宦於秦楚始也

案陳兆崙陳君復齋
墓誌 聖祖仁

皇帝之末天下學政號為清
官者曰陳瓚曰高安朱載

五十一年壬辰 公四十八歲

任滿春歸里 修葺宗祠倡捐祭田纂修譜系

案公文集

有族譜闕疑族譜解
或族譜辨異等篇

又念世俗冠婚喪祭或簡野無

文或侈靡踰節因博搜三禮及晉唐宋明議禮諸書

輯為家儀刊諸祠中至今族姓守而弗失長女朱貞

女持服適李氏守志

案貞女許字建昌大司空李公
鳳翥之子家駒辛卯家駒登賢

書未幾病卒貞女遂適李氏守志又儀禮節略昏禮
附論云予長女幼許李氏年二十已納幣有吉日以

前室喪而止越二年壻卒時予官秦中又逾年而歸
將擇配女泣然涕零以守義請予曰爾讀管子問乎

女未成婦而死歸葬於女氏之黨未婚可即其室乎
又女死壻齊衰待弔既葬除壻死亦如之未聞未嫁

朱文端公年譜

董福泰

十二

廣仁堂
肆百捌拾貳

而有守義之禮也女默默不語卒不可奪
乃聽之此賢知之過也雖然可以為難矣

五十二年癸巳 公四十九歲

三子必坦生於京邸側室陳恭人出

六月擢光祿寺少卿

案李文貞公年譜云朱公以己
丑充會試同考官公與同事得

其為人試事竣輒以其清慎恪勤之節聞於上嗣是
朱公自郎署出督陝西學政名聲益振至是任滿家

居公密薦之由家
起為光祿寺少卿

五十三年甲午 公五十歲

在京供職 四弟燭中式江西鄉試舉人

五十四年乙未 公五十一歲

夏擢奉天府府尹 公以禮義教習旗民然五方趨

利者輻輳漸啟澆薄公察流寓之奸黠者驅懲之土
著之質樸者獎勵之民益以和樂其地井疆向來未
甚清晰民所種地苦豪族兼并公畫一清釐強禦屏
跡愿者成得各守其業案公上諭註解序近年官奉天旗民雜處之地亦嘗於暇日宣講垂白之老有流涕者

次弟焜授雲南賓川吏目

五十五年丙申 公五十二歲

秋擢通政使司通政使

五十六年丁酉 公五十三歲

春授浙江巡撫 比下車以澄清吏治維持風俗

朱文端公年譜

王慶有

十三

廣仁堂
卷百玖拾壹

爲急務謂察吏莫先於獎廉懲貪而風俗必要於去
奢崇儉二端皆身自表率之首下令蠲除巡撫衙門
一切供億陋規身衣麤疏出入儀從減去大半飭院
吏無得曳絨綺闔屬凜然不待苗雍髮櫛而已望風
易轍郡邑長吏有循聲者輒爲優獎其最者卽列薦
章間以敗檢聞召而訓誡之不悛乃參劾不少寬假
謹案公撫浙於寮屬不輕許可獨稱蔣時若洪澍浙
清廉慈惠爲兩浙循良第一見湖州府志名宦
俗婚嫁競尙侈靡至鬻田舍有一經嫁娶而饗殮不
給者其下貧戶每過期無偶公酌豐儉之宜立之程
檄各屬遵守嗣是貧富不相耀里黨賓蜡讌會止五

簋俱有常品案浙人有朱公席之稱行既久民甚便之又念國

奢則示之以儉國儉則示之以禮浙江多明禮君子

近世若陸當湖朱竹垞毛大可柴虎臣萬充宗昆季

諸公皆深於三禮之學制節謹度觀其會通而江河

日下鄉先正莫能挽匪守土之責如何取舊所刻家

儀三卷益以士相見鄉飲酒禮共二十卷刊而布之

浙之士大夫莫不承式北新關為猾胥淵藪每貨舫

至括責無已公生之莫敢猛爭商便而課亦裕數文

書院故萬松書院也康熙五十五年巡撫徐公元夢

摺請 賜額

朱文端公年譜

王慶有

十四

廣仁堂
肆百叁拾陸

聖祖仁皇帝親灑宸翰為浙水敷文四大字 頌院敕徐公

勒石供奉自此改稱敷文書院後有正誼堂堂之樓

為存誠閣閣之後有殿供碑摹 至聖先師像透迤

而西山徑盤曲數十武外有舫式屋顏曰載道有軒

顏曰表裏洞然再西有亭翼然面湖顏曰玩心高明

皆公所題也見徐達吉清波小志公拔士之好學能

文者俾入書院頒發教條詳加勸勉每月數至講堂

諭令讀書立品多士奮興庚子鄉試榜發皆名諸生

而書院尤盛案李紱敷文書院文讎呈朱都憲汪學士詩自注云浙士百二十取一名書院

七十中十四名父宋兩宜華國文集朱文端公撫浙

慮浙之俗奢侈無由而變也因公出見一婦人盛妝

命呼之至問其夫何人答曰賣菜者命入署令至厨下問誰為夫人時夫人與眾女奴雜作為中饋事婦人竟莫辨公指示之曰此炊者為夫人也命留午飯以蔬菜供婦人食畢命之出竟不知其為何浙之士大夫歎曰國奢示之以儉此古大臣之用心也自是浙俗一變

十一月繼配毛淑人卒於署

五十七年戊戌 公五十四歲

在浙江任

三月題請修築海甯石塘下用水櫃外築坦水再開

濬備塘河以防泛濫 疏載文 集補編

薦沈近思 阮世駿端恪沈公神道碑沈公近思字聞齋號位山錢塘人高安公撫浙時以賢能薦監督清河本裕倉嚴立條規搜剔奸蠹積弊一清

彭改豐沈端恪公墓誌銘高安相國雅重公哭其喪

朱文端公年譜 王玉林

十五

黃仁堂 肆百叁拾肆

為表墓曰理學名臣蓋深知公者也 公之薦位山也 以白中丞寓書於公 聘位山主講豫章 敷文兩書院皆辭不就 故有是薦

刊大戴禮記儀禮節略竣 文集並有序 謹案 純皇帝欽定儀禮義疏多

采其說 欽定四庫全書收 入存目經部禮類有提要一篇

五十八年己亥 公五十五歲

在浙江任 疏劾巡鹽御史哈爾金筆帖式三恪勒

索商人 上命刑部尚書張廷樞學士德音往審得

實論如律

刊張子全書四禮翼顏氏家訓温公家範 文集並有序

五十九年庚子 公五十六歲

在浙江任

七月題請建築海甯縣老鹽倉上虞縣夏蓋山等處

大石塘并開濬中小鹽淤沙又請專設海防同知以

司歲修下部議行

節議浙江海塘先經福浙總督覺羅滿保巡撫朱軾以海甯上虞二

縣修築工程上請行令勸議確估今稱會勘得上虞

縣夏蓋山起西至雀子村止一帶沿海海塘多被海

潮沖圯無存地與海平且沖開缺口數處其南大鹽

久已淤成平陸江海不循故道直沖北大鹽而東并

海甯之老鹽倉亦皆圯沒入海所有海甯上虞二縣

建築開濬需用錢糧數目調委監工修築官員各事

宜臚列備陳

一議築海甯縣老鹽倉北岸石塘以防海水內灌查老鹽倉一帶正當江海交彙今土塘

隨浪坍塌現在沖開徐家壩一口與內河支港相通

已築石壩堵塞且老鹽倉北岸皆係民田廬舍支河

汝港甚多俱與上河通聯東即長安鎮與下河官塘

僅隔一壩若不於此急築石塘堵禦萬一土岸坍塌

決入上下運河則鹽潮直注嘉湖蘇松列郡關係甚

鉅今擬於老鹽倉北岸東自浦兒兜起西至姚家堰

止共一千三百四十丈砌築石塘方可保護杭嘉湖

三府民田水利除現在採買蘆葦乾枯等料於患口

先築草壩又就近開采武康縣大石購買巨木乘此

春夏運至工所急築石塘以防潮水泛溢查該督撫

朱文端公

王慶有

十六

廣仁堂

朱百武拾陸

淤沙以復江海故道查赭山以北河莊山以南乃江海故道近因淤塞以致江水海潮盡歸北岸今雖砌築石塘然中小壘淤沙不開則回潮沖刷一日兩次沙上緊挑濬計挑過一千九十丈大汛時潮水亦可出入現在將已挑者開濬深闊未挑者兼工開濬使江海盡歸故道則土塘石塘可免潮勢北沖之患查中小壘挑濬既有成效應行該督撫將已挑者再加深寬未挑者速行開濬 一議督上虞縣夏蓋山石塘以防南岸潮患查上虞縣原有土塘五千一百四十七丈以障蔽民田夏蓋山之南夏蓋湖周圍一百五里蓄水注陰上虞餘姚二縣之田並籍土塘捍禦近年夏蓋山對海中流漲有圓沙數十里潮逼南岸今先將患口填塞其潮水稍緩之處上虞之民願專築土塘惟夏蓋山西邊實為最險要衝非建石塘斷難遮護隨親勘丈量共長一千七百九十九丈今用長五尺寬二尺厚一尺大石於羊山及夏蓋山開採運用隨地勢高下每丈十三層以至三十四層不等縱橫疊砌庶南岸之潮患可禦查夏蓋山潮勢稍緩之處上民既願捐築土塘應令其速行建築其西邊最險之處既經勘明應建石塘應如所題如式建砌 一議實需銀數以濟巨工查沿海塘堤實為各郡保障若不及時修築貽患無窮卽或苟簡因循亦恐隨成隨毀今海甯縣老鹽倉北岸新築石塘一千三百四十丈所需工料等項約共銀九萬二千兩可以預為估計惟樁木人工難以預定應俟工完之日查驗另銷上虞縣夏蓋山新築石塘一千七百九十九丈共估需用銀五萬八百兩兩處石塘工料共估銀一十四萬二千八百兩除將五十七年海塘捐納案內餘剩銀六萬三千二百九十九兩現在撥用外其不敷銀兩一時難於措處請統於海塘案內收捐補用俟工竣足額卽行停止仍歸常平倉收捐其現在不敷工料銀兩請於藩庫先行動支俟收捐補項可矣 一議調委經理各官以專責成查藩司為錢糧總匯兩處塘工凡收貯銀兩支領出入之數俱令布政司傳澤淵總理稽核其海甯縣老鹽倉北岸石塘遂委溫處道蔣敷錫親自督修統司稽察再委處州府知府蘇纓督修沿塘草壩船政同知陳良策紹協都司孟飛熊等挑濬中小壘淤沙其上虞縣夏蓋山石塘專委紹

興府同知閻紹等各員分任督修其雇募夫匠償運石料等項仍令海甯上虞二縣知縣專管策應查調委官員應如所題怠玩侵冒自行嚴參至修築工程係地方官專責無容議敘 一議專員歲修以保永固查沿海潮汐惟浙江爲最非有專員經管未見實效請將南岸紹興府之上餘山會蕭五縣石塘土塘專交紹興府同知閻紹管理北岸杭州府之海甯仁和錢塘三縣之石土塘專交原任金華府同知劉汝梅管理嘉興府之海鹽平湖二縣石土塘專交嘉興府同知王沅閻管理各員銜內添入海防字樣聽其責成小有損壞即時修砌其屬轄之巡檢場專任調委分任惟杭郡別無閒員可以經理塘務查金華原非劇郡向設同知一缺請裁去添設杭州府海防同知一員專司其事即將開復候補同知劉汝梅補授任滿之後此三缺卽於通省同知通判知縣揀選調補庶人地相宜於塘有益至歲修錢糧現在無項可動查甯邑海塘捐監餘剩銀兩原留藩庫爲歲修之用今動支修築石塘應仍於新工案內照從前餘剩之數捐足還項留貯藩庫爲逐年歲修之用亦如所題可也

朱文瑞公筆譜

趙恩第

十八

廣仁堂
伍百柒拾柒

秋三弟曠中式江西鄉試副榜

文集有
三弟行狀

十一月擢都察院左都御史

瀕行劾去二令公語

長子必楷曰此二人素貪劣自吾至任嚴加訓飭始知斂戢吾去後彼必大肆其慾後人劾之則其罪不可測吾止以不謹去之正所以全之也公念老母多病自癸巳迄今睽違八載而光祿公亦夙有痰疾

奏請繞道歸省拜疏卽行十二月到家傍得十餘日

光祿公顧謂公曰爾愛

聖恩至矣以吾故流連不去吾甚不樂公請少緩光祿公怒

廢食不得已辭行勵哭而別

刻孝經四本管窺竣 謹案四庫全書收入存
目經部孝經類有提要一篇

六十年辛丑 公五十七歲

光祿公以二月十一日卒於家三月十九日公在京

聞訃時值 萬壽聖節丁憂疏不得上至二十

九日吏部始 奏聞照例解任丁憂四月初一日閣

票依議初三日

聖祖仁皇帝折本未下初五日內閣啟奏奉

旨着在京守制公聞 命病加劇頭暈嗽不止日進粥

半甌形骸骨立初九日上疏請終制 疏日臣蒙 皇上超擢由

知縣累陞今職遭遇之隆無以復加捐糜頂踵末由 仰報詎意臣父朱極光於本年二月十一日在籍病

朱文端公年譜 劉桂園 十九 伍百叁拾玖 廣仁堂

故隨經報部具題奉 旨未載着在任守制欽

此臣聞 命感愴涕零何敢復有推諉上瀆

宸聰但臣父素以忠孝大義教臣居官稍有過失必 嚴加呵斥即兩次外任迎請到署數月輒回不欲以

甘旨累臣臣實未嘗稍盡子道聞訃驚悸哀難自己 伏思 皇上孝治天下萬國臣民共沐 至德

要道之化臣亦人子若戀職留京竟不期親喪葬此 心何以即安臣累任內外兢業自持未嘗偷閒一日

况今身列正卿 異寵踰量豈敢借名圖安惟是父 子天性痛楚難忍兼以臣母冷氏年近八旬病在牀

褥臣心更加悽切今卧病苦塊奄奄一息即使就職 辦事必致隳廢官守 君親兩負何以為人伏乞

皇上憫臣苦衷 恩准回籍守制生死銜 結倘餘生不填溝壑服闋後星馳赴闕勉竭駑駘圖 報涓埃臣荒迷失次冒昧陳情伏乞 皇上睿

鑒施行尋奉 旨已有旨了該部知道 十九日再疏懇請終制通政司收送內閣閣臣謂既 已有 旨不便再 奏將本發還公自維既不

能奔喪惟有請赴軍前効力可以墨縗從事五月初

六日遂具疏請假葬親併往軍前効力 疏云臣蒙 皇上降

恩由縣令累陞至左都御史俱係越等超擢非臣意

料所及是以每聞 寵命慚懼交並自責自訟以無

能仰報爲恨今遭父喪又蒙 皇上着臣在任

守制臣自揣庸劣久應罷斥 皇上所以留臣

亦以驅策有年不忍令臣遽去耳臣乃顧惜私情不

知感 恩留戀有人心者必不出此惟是臣父

自幼而孤顛連困苦鬻產傭書延師教臣及臣出任

又恐以甘旨累任不肯就養臨終囑臣毋戒臣毋得

哀毀服闋務須竭忠報 國言至再三更不他及是

臣父教臣以義督臣以忠惟恐臣曠職負 恩

焦心勞思於臣之一身一官者數十餘年以至於死

臣苦塊哀慕追念平生摧心刺骨無以自解臣母冷

氏又遣家人語臣謂父停棺待葬病母死待訣

語語傷心切犬馬之戀又繁烏鴉之私展轉躊躇不

知所措伏思人臣事主義不顧家然必實能出纖毫

之力効尺寸之長方謂移孝作忠若謂碌碌無能素

朱文端公年譜

劉桂圃

二十

陸百朋拾參 廣仁堂

餐尸位身雖在官於 國何補頃者西陲小醜犯順

普天同仇賴 皇上聖謨廣運天威遠震西藏

永清犁庭在即臣子盡瘁爲 國無過於此是臣聞父

訃哀痛昏迷卧病咯血自分將填溝壑無能上報

聖恩今服藥調治醫家謂月餘可愈雖羸弱不能執

銳行間而押運糧餉會計出納猶堪稍効微勞但臣

父喪不獲憑棺一哭送骨歸土未免掛牽迷亂冒懇

皇仁給假數月臣歸家營葬臣父併慰臣母

完畢束裝即馳赴軍前聽臣以金革之事暫釋喪服

回日按期追補庶子情少伸得以安心効力上報

聖恩下成父志臣父有知亦含笑於九原之下

矣倘戀職留京安享高位有玷臣職益虧子道

皇上即不責臣臣心無以自安伏懇 皇上

允臣所請俾得稍紓忠悃兼遂私情子子孫孫銜結

無既伏乞 皇 疏送通政司因有軍前効力字

上睿鑒施行

樣收送內閣閣臣云要効力自具劄奏原本仍封還

公憂痛日甚初十日又以懇 賜給假葬親併請軍

前効力等事具 題通政司不收十二日乃更定原
本繕劄子遣家人齋赴熱河進 奏奉 旨交

內閣閣票未上已奉

聖諭差往山陝賑濟言左都御史朱軾丁憂因伊前任浙江
巡撫時居官好著在任守制今伊奏請往軍前効力伊係讀
書之人往軍前如何効力似這等處該去効力等語

閣臣行知到京

六月初十日公扶病起程往山西病勢日甚更兼泄
瀉日行百餘里中夜哀號不止幾瀕於危十一日繕

疏條陳賑濟便宜五事二十二日至汾州府屬之平

朱文端公年譜

傳 全

二十一

廣仁堂
參百卷拾遺

遙縣暫住病稍差公復念久旱不雨卽加賑濟而農
事無望終非長策民心仍皇皇無定二十五日竭誠
齋戒祭城隍神以祈甘雨越二十七八閏六月初二
三等日大雨如注差役四路查看則數百里內同時
得雨乃具摺 奏報情形

聖心慰悅

○公辦賑時章疏文移示諭條約之有關勸懲者
先是洪洞劉比部鎮編刻爲輶車錄今並采入文

集補編不
另刊云

八月十三日疏請停捐納又稔知天下州縣倉儲虛

耗條陳積儲利弊

並采入文
集補編

九月二十三日復 命到京聞

聖駕由熱河回鑾卽詣密雲接駕

十月十一日以解任借帑効力河工因便葬親等事
繕劄親資至 暢春苑十三日面奏奉

溫旨慰諭再往山西試行水利社倉蓋公散賑時曾條陳此
二事也十六日起身往山西

十一月十五日奉

旨差往陝西會審魏二等案 謹案因川陝總督年羹堯劾知府徐容甘文煊虧帑命公往鞫

問

十二月十三日至西安府入貢院居住勉力讞決獄

具

朱文端公年譜 趙恩第 廣仁堂 卷百壹拾陸

六十一年壬寅 公五十八歲

二月初九日自西安府扶病還京十五日至山西蒲

州地方又以叩懇

天恩准給暫假等事繕劄遣家人資 奏奉

旨交內閣閣擬二票二十七日上

皇上折本未下二十九日內閣啟 奏奉

旨朱軾准給假安葬伊父事畢速行回任該部知道欽此

三月初三日接奉 恩旨卽自真定府地方起

身回籍差家人資摺謝 恩星夜奔馳至二十

九日到家長號不已一慟而絕虞祔禮成體益尪羸

見賓客扶杖猶不能起擬以病具 奏展假給廬墓

左終喪而後出

十二月上旬忽聞

聖祖仁皇帝龍馭上賓哀慟昏迷久而後定即日拜辭祖靈

輕裝就道星馳至京叩謁 梓宮哀慟尤極

雍正元年癸卯 公五十九歲

正月奉

命侍 天 皇 四 子 皇 五 子 講 席

二月初九日奉

上諭左都御史朱軾係

朱文端公年譜

董福泰

三三

廣仁堂 貳百玖拾叁

皇考簡用大臣居官素清朕纘承大統以來實心行走孝行

著聞伊家有八旬之母

恩詔內應封夫人着加

賜

一品夫人封典并

賞該省藩庫銀二千兩為伊母養

贍之資又

賜匾額曰淑範崇年又

賜聯曰柏

府清風貽令子萱堂煦日慶遐齡

三月加吏部尚書銜

四月充順天鄉試正考官

五月十一日加太子太保銜十七日

特旨今順天主考朱軾張廷玉公慎自矢細心披閱盡拔佳

文內外簾官亦能各自淬礪屏除弊端發榜之日輿論翕然

朕心甚為嘉悅其酌加議敘用示優獎兼使嗣後考官咸知
激奮以副朕興賢育才之意欽此吏部議覆言已加太子太
保應加為太子太傅又

御題詩扇曰高岳生長佐興朝瑞老臣南昌挂漢鑑北斗柄
權衡忠豈惟修職清能不近名眷言思共理為國福蒼生又
詹長子必堦為戶部員外郎

七月初三日為母太夫人八十壽誕公先期乞假歸
慶奉

特旨俞允又 賜內庫銀千兩兼珍御上藥緞帛有差

陸辭時降

朱文端公年譜 董福泰

二十四 廣仁堂 肆百玖拾貳

旨着問爾母好并 賜朝堂良佐匾額至家奉母太夫

人命以 賜金完碧落橋 文集有碧落橋記

九月回京充 恩科會試正考官得楊炳等二百七

十人 陳張廷玉是科九月初六日奉 命為正考官
恭紀詩自注云拜 命之頃深切惶懼 上面

諭曰汝與朱軾朕深信必能副委任慰眾望也 季調
元淡墨錄宋文端公於雍正癸卯二月偕張文和公

主順天鄉試九月仍偕張文和總裁並 諭不拘朕
定進士一百八十名名數不拘省分不限額數有可
取住卷選出另行具奏其信任如此高士熙湖北詩

錄楊炳字蔚文號鄂川鍾祥人雍正元年癸卯 恩
科會元卷呈 御覽奉 硃批卓識名言不獨優於

諸卷即近科亦不見欽此 殿試探花及第授翰林
院編修 召入 內廷 賜盧圓明園左側隱陸侍

讀學士充 日講官起居注典試順天江西提督福
建學院選是科南宮有正績兩榜不下六百人得士

最盛如陳文恭公王已山張曉樓周力堂前蘭皋諸

公俱出 又充修明史會典則例總裁 園有山林隱逸有識

其中 有學之士纂修明史公以陝西鄠縣王心敬應王以老病辭有寄公論修明史書見豐川續稿案江藩

國朝宋學淵源記公督學關中敬禮豐川數造廬請益焉 又借戶部侍郎陳公

守創建高安會館於京師前門外之燕家胡同 文集有高

安會館記

薦王承烈 字遜功號復菴陝西涇陽人康熙己丑翰

林是年以公薦授江南道監察御史 集有與王遜功司寇論氣質之性又少司寇墓誌銘

謹案 上即位命臣工得上封事孫嘉塗上

三奏曰親骨肉日停捐納日罷西兵 上召諸

大臣示之責掌院學士日汝翰林乃容此狂生學士

叩頭謝公在旁徐對日此生誠狂然臣服其膽 上良久大笑日朕亦不能不服其膽嘉塗由是即

召對授 國子司業

次子堪姪必考必場並中式江西鄉試舉人

二年甲辰 公六十歲

五月次弟焜卒於陝西西鄉縣任 案藍鼎元朱貞女

令君卒父聞訃悼傷過甚復嘔血 傳是夏仲父西鄉

六月兼吏部尚書 時銓曹司屬不皆久任老吏輒

藏其牘意為先後眾患之莫能禁公論所屬日朱子

謂人心須如一本册子當官泄事固莫據於册也今

册多改竄既不可信專恃臨時查核耳目偶遺必受

欺矣司屬遵諭行之册清而銓政以肅八月復充會

試正考官得王安國等二百九十人 案文集甲辰春

試錄序甲辰春

朱文瑞公全譜

龐球

二五

廣仁堂 肆百柒拾柒

大比天下士於鄉補行癸卯正科而於八月試直省
士子於南宮禮臣列試官名以請復辟寵命兩歲
之中三持文柄自有制科以來無此榮遇也又阮
元淮海英靈集王安國字書城號春圃會元榜眼釋
褐日座主朱文端公謂之日學人通籍後留得
本來面目爲難公奉斯言故操節與之相類

十月長女朱貞女卒蔡世遠二希堂集藍鼎元鹿洲
初稿並有朱貞女傳謹案

高宗純皇帝在藩
邸有題朱貞女傳詩

十二月奉 旨往浙查勘海塘 面奉

上諭浙江海塘工最爲緊要署巡撫石文焯前奏必須通用
石塊修築後又奏稱不必用石如此全無定見誠恐貽悞塘
工朕已批諭令法海佟吉圖作速詳議具奏矣但恐法海等
初任不諳地方情形汝做過浙江巡撫必知海塘緣由着汝
朱鑑年譜 龐球 二十六 廣仁堂 肆百陸拾卷
馳驛前往浙江將作何修築之處會同法海佟吉圖詳查定
議交與法海修築汝卽回京朕思海塘關係民生必須一勞
永逸務要工程堅固不得吝惜錢糧江南海塘亦爲緊要汝
浙江事竣卽至蘇州會同何天培鄂爾泰將查勘蘇州塘工
如何修築之處亦定議具奏欽此

三年乙巳 公六十一歲

三月疏請修築杭嘉紹等府塘工 疏采入文 集補編

七月疏請移封之法公以

世宗皇帝嗣統覃恩屢下人臣所感被者封典榮親尤爲激
切而拘牽成例不能遍及云自念身受三世之錫命

父母哀榮之典尤荷非常推廣

皇仁加之四海為政之大端也

乃疏曰凡四品以下文官止封父母及本身妻室者請照

武官之例聽其以本身妻室封誥移封祖父母及八九品向止封本身不封其妻故雖以己身封典移封其本身又教授官止九品教諭訓導並無品級然其體在州同縣丞之上且蒙聖恩俱以正途補用請將教授照知縣例封學正教諭照縣丞例封訓導照九品例封其父母則覃恩尤為廣被又封母者止封嫡母生母而繼母不能並封有繼母在堂者相形未安請得三母並封以勸孝慈並准行

九月授 文華殿大學士兼吏部尙書 命偕怡賢

親王往直隸查勘水利營田

十二月合疏

案有查勘畿南水利情形疏畿南請設營田疏並采入文集補編

朱文端公年譜

龐球

二十七

廣仁堂 肆百伍拾捌

又是年大將軍年羹堯以罪誅父遐齡年八十餘法當坐公奏以子刑父非法也臣簿錄年氏家書遐齡訓其子嚴罪在子不在父

世宗是之遐齡得免

四年丙午 公六十二歲

正月合疏請分直隸諸河為四局南運河與臧家橋

以下之子牙河范家口以東之淀河為一局請令天

津道就近總理永定河為一局請改永定河分司為

河道駐固安縣總理其沿河州縣各設州判縣丞主

簿等分防北運河為一局請裁去舊分司令通永道

兼管范家口以西各淀地及畿南諸河爲一局請改
大名道爲清河道移駐保定府管理其河道各員必
久任熟練應聽直隸總督選題引 見簡用其

同知以下各員俱於河員內選補下部議行 案有京東水利

情形疏京西水利情形疏請定考核以專責成疏並采入文集補編

二月丁母太夫人冷氏憂 夫人於正月初五日在
籍病沒家訃未至而巡撫已具疏報聞奉

特旨傳諭吏部通政司及在京家屬不得以伊母訃告知朱
軾彼性至孝今在營田水利工所旁無親切之人若驟聞此
信必至過於哀毀俟召彼至京朕懇切開諭庶無他虞欽此

朱文端公年譜

傳學海

二十八

廣仁堂
肆百叁拾叁

十一日奉

上諭大學士朱軾之母冷氏靈儀淑慎訓子成名今聞在籍
病故深可軫惻朕優禮大臣推恩賢母用頒異數以示眷懷
着江西巡撫動支司庫銀二千兩賞給伊家讀文致祭一次
由翰林院撰擬其差往致祭之員若總兵官駐劄相近則遣
總兵官若相隔路遠則於兩司內派出一員俟朱軾抵家之
時舉行朱軾查勘水利事竣到京後著馳驛回籍欽此比公
至京始奉 明旨併加開諭十九日再奉○上諭大學士朱
軾事親最孝朕所素知今伊母在籍病故伊聞之自必哀痛
切至但伊母年已八旬有餘伊祿養顯揚俱無餘憾此時正

當節抑哀痛護惜此身爲國家出力盡忠正所以盡孝朕已降諭旨賜銀二千兩爲伊母喪事之費就近遣地方大員前往致祭一次令朱軾奔喪回籍著馳驛前去朕深知其家貧著再賜銀二千兩爲伊盤費一切之用其子亦令隨歸伊守孝百日將伊母之事料理完畢卽來京辦事爾等可詳悉傳諭朱軾知之欽此

公奏請解任終制卽日又奉

上諭大學士等朱軾奏請解任開缺以終服制情辭迫切此乃伊名節所關朕知其出於至誠懇允從所請解任開缺以全其志但三年爲時甚久卸事閒居在籍伊心亦未必自安

朱文端公年譜

傳學海

二十九

廣仁堂
肆百壹拾壹

况目前現有畿輔水利之事正資料理可於八月起身前來居在京師以備委任顧問不居現任之職則與家居無異於禮卽盡於心亦安矣朱軾素性誠篤今遭母喪深恐哀毀過節爾等可將朕意諄切諭之伊年高體弱不宜過於悲感況六十不毀載在禮經若能仰體朕心時思朕訓護惜此身爲國家出力伊母有知亦必深慰斯爲忠孝兩全倘過哀以致毀瘠則有負朕恩矣爾等並傳諭膳房侍衛永壽攜茶飯往賜欽此

二十日公卽柴車出京至家守制

七月葬妣太夫人冷氏墓在里西南之林山虎形與

光祿公合葬焉賜金既豐葬畢尙有餘資公子等請
以備祭田公曰君子不家於喪不可具祭器又可備
祭田乎頒諸族戚之貧者古法也散給三黨親屬均

沾渥焉未幾公以

聖旨催迫限期已逾抑哀復命 謹案

高宗純皇帝時在藩邸有

賜公書曰士之特立獨行

修身講學於草茅巖穴之中將以施之政事爲廟堂棟梁之
任也是故明君在上必求天下之英才待之以禮煦之以和
君臣同德相得益彰然後亮天工而熙庶績堯舜之四岳九
官湯之伊尹文武之周召皆君明臣良用成熙皞之盛書曰

朱文端公譜

傳學海

三十

黃仁堂
肆百貳拾陸

百揆時敘又曰咸有一德詩曰濟濟多士文王以甯豈不美
哉三代以下君臣相得之盛莫若唐太宗宋仁宗房杜王魏
韓范歐富皆爲名臣然致君於堯舜尙有歎焉豈氣數之未
至學問之未醇信任之未專歟若先生遭逢 盛代受知於

皇祖領中外要職開府兩浙內

召長御史臺

皇父任以綸扉啟沃論思誠通志行豈惟特出班行雖古人
際遇亦鮮有比倫也 皇父命先生授經我兄弟得領誨

益親函丈者四年於茲矣今春先生奔太夫人喪甫及半載
卽移書相勉以學問日充德業日粹天德王道交修並至之
語深自思維頻加悚愧惟恐不能勤學飭躬以慰先生之望

雖然嘗聞於先生矣蓋天德者格致誠正以修其身之謂也
王道者均平齊治之謂也自人受天之命莫不秉懿性以生
但爲氣拘物蔽故天德泯而王道無以行惟聖人主敬以立
其本窮理以致其知反躬以踐其實以修天德以行王道故
家齊國治而天下平皆修吾一身所致也堯克明峻德而協
和萬邦舜濬哲文明而六府三事允治孔子亦曰在明明德
在新民顏子克己復禮而孔子告以爲邦之道此皆天德修
而王道行故能爲天下大聖後世法則人君用之則爲建中
立極之本人臣行之則有致君澤民之功學者習之則蘊之
爲德行行之爲事業豈有二道哉書曰非知之艱行之惟艱
子受學於先生天德王道之要道心人心危微之判日聞於
耳庶幾知之矣先生之所以勗我與吾之朝夕孜孜者其在
踐行之實乎然苟卿有言莫便乎近其人 皇父命先生
治喪以期蓋緣古者諸侯既葬王政入於國之義小祥之後
望先生式濫其歸以輔成勲華之治庶幾先生德業可爭光
於唐宋諸賢而予亦得朝夕薰陶於有道也惟先生鑒察不
宣

九月至京未至時十七日卽蒙

上諭大學士朱軾將至京師大學士等向朱軾之子朱必楷
詢問明白預行奏聞遣學士何國宗副都統永福出迎賜膳

示朕眷念之意欽此二十四日又奉

上諭大學士朱軾丁憂回籍朕本欲成全其志准其在籍守制三年但朕左右匡弼需人而營田水利工程亦係伊協同辦理之事故召令來京三年之內不補原官准其素服凡朝會宴饗及應穿補服之處俱不必到俾伊得盡人子之心以展孝思當日怡親王遭伊 母妃之喪

聖祖仁皇帝恩准素服三年今日朱軾即可比照此例著仍

在內閣兼理吏部都察院行走欽此 案夏斯聞見一隅錄朱高安兩次奪情真儒臣

之不幸其一在康熙六十年丁父憂 上諭云云然則

云其一在雍正四年丁母憂 上諭云云然則

公雖兩次奪情為儒臣之不幸而公力求終制之章 廣仁堂

讀請無已兩朝倚畀賁錫之典稠疊有加較之李文 廣仁堂

朱文端公年譜 傳全 貞公之奪情 為有光矣 三十一 伍意拾遺

十一月疏請收用効力營用人員准其議敘 畧日一

田者照頃畝多寡予九品以上五品以下頂帶一効 自營已

効力者准開復一流徒以上人 犯効力者准減等俱下部議行

又請添設杭嘉湖巡道一員 時 俗澆漓 上以浙江風

俗使公疏言風俗之澆漓甚於爭訟昔臣巡撫浙江 特設觀風整

知杭嘉湖紹四府率多峻訟之徒全無情實告訐紛 紛查分守巡道職任巡查兼理詞訟請添設杭嘉湖

巡道一員其紹興府屬甯台道管轄凡民間詞訟寬 抑州縣不能申理者巡道准理該員能秉公執法訟

師自知懼畏爭訟漸消風俗自臻淳厚 上特

五年丁未 公六十三歲

素服居京邸

案彭端淑張文端傳云雍正丁未試南宮

薑茶試畢羣詣闕謝恩上以春寒賜天下貢士棉衣

方不愧朝廷其見重如此見白鶴堂集

刻禮記纂言竣

四庫全書收入存目經部禮類有提要一篇

又杭世駿續禮記集說序吳草廬纂言變亂篇次妄分名目乃經

學之駢枝非鄭孔之正嫡也國朝文教單敷安溪

高安兩元老潛心三禮高安尤為傑出纂言中所附錄者非草廬所能頡頏又李衛稱是書得朱子之心

六年戊申 公六十四歲

夏服闋告病

上時遣醫賜藥日加存問時公

長子必墀任大名府知府

特旨召回京仍補

朱文端公譜

朱廉

三十三

廣仁堂 肆百貳拾捌

戶部郎中俾得侍養

三子必坦以選拔貢入都 朝考

十一月二弟爌以効力營田議敘知縣卒於京邸

集有三 弟行狀

薦藍鼎元

案藍鼎元行述云雍正六年冬以相國高安朱公薦引見條奏經理臺灣河漕兼

資海運鳳陽民俗土田黔蜀疆域六事上皆嘉納授廣東普甯知縣時朱公侍側而錢塘沈公為

總憲俱交贊其才 觀此人便用做道府亦綽然有餘

七年己酉 公六十五歲

十二月以久病未瘥乞解任調理

上手詔慰

留之

刻春秋鈔

謹案

四庫全書收入存

史傳三編

竣

謹案

四庫全書收入史部傳記類有題要

旨

授刑部右侍郎先是高安朱文端公萃二十一史中名臣儒林循吏為三錄刊成未及頒行先生因其可以勵世出俸金屬高安知縣小門生張古餘敦仁印數百部及是分給州縣冀稍

八年庚戌 公六十六歲

五月怡親王薨 命公總理水利營田事務

案李元度

朝先正朱軾事略云公與方望溪侍郎交最篤望溪嘗以周官餘論十篇之三示公公持至尙書房手錄曰當吾世有此異人而上不聞知可乎望溪曰今上信大有為而士大夫結習未除凡吾所云必君相一德聚賢協心然後為之而可成之而可久不然上求其誠心而下應以苟道民不見德反受其殃

朱文端公譜

朱廉

公志果大行異日以告於吾 看次第布之不必知

任百玖拾壹

自某也及公大拜乃以實畿輔一篇致怡賢親王合詞請開水利望溪謂公曰近畿積水無歸久矣必以數年疏決支河俾伏秋潦漲下流無壅然後規地擇良有司官治一區為民表使民豔其然而爭自營之苟少違其節次動必無功其後為之數年果利害相半公由是益信望溪言凡吏瘼民瘼辨賢抑奸胸中所知見壹為公盡之且告以海內大事宜及時措注者莫如復明初大甯三衛兼求唐韓重華屯田故蹟自歸化城西連三受降城以達于甯夏及經略苗疆控制臺灣三事因盡出餘論七篇公皆慨然引為己任會西陲用兵度無暇部署三方而公尋邁疾不行

十二月兼管兵部尙書事

九年辛亥 公六十七歲

是年病未痊乞解任未允 先是運河隄工水溢部

議降級留任浙江巡撫任內失察呂留良逆書議革

職

特旨留任

賜居海淀便奏對

案是年十

二月十四日公等奉書講義語錄諸書并請刊布學宮俾遠近寡識之士

旨摘駁呂留良所著四

子不至溺於邪說等因旋准施行

十年壬子 公六十八歲

是年春奉

御筆親批覽卿奏以積病未痊暫瘳復起綸扉重地不可久曠懇請解退調養情詞肫切卿才具優長品行端謹老成練達勤敏和衷朕所深知正資倚任今偶患咳嗽之症自可從容調理待其痊可向來漢大學士多用二員現今閣中有大

朱文端公年譜

劉桂圃

三十五

廣仁堂肆百叁拾肆

學士張廷玉蔣廷錫二人辦理實無曠缺卿當頤養之時必須寬懷澄慮不以事物攪心自然藥餌有功漸次平復以慰朕之殷懷今若以久未入直仍慮及內閣職務雖矢心匪懈具見卿之惻誠而慮思紛繁殊有乖於調攝之道不惟非所以自愛亦非所以仰體朕心之軫念也朕昨以卿抱病多時遣內大臣前往看視聞卿於內大臣前力疾叩謝禮數繁多甚覺勞頓次日清晨寒冷之時又來至宮門謝恩是轉增朕心之不安於義深為未協朕知卿素性拘謹舉動備極小心是以近時以來一切飲饌服食之物未便頻頻頒賜正所以冀卿之安逸望卿之速痊也嗣後宜恪遵朕諭時加頤養導

引中和節勞靜攝卽受朕恩資亦免其拜跪始於病體爲宜
卿年尙未甚老若調攝有方自能全愈爲朕宣力之處甚多
此時不必以解退陳情用是特手書諭旨賜卿其悉朕眷眷
之至意欽此

謹案

高宗純皇帝在藩邸有春日賜大學士朱軾五十韻詩曰遲
日山河麗青春風物妍 皇州籠淑氣天宇燦祥烟景媚韶
華世人遊熙皞年先生方抱病靜室獨安眠 當代窮經彥
清時守道賢事君欣際遇奉職佛仔肩 寵命登台輔鴻
才掌選銓寅恭 朝右弼亮 聖人前只此冰淵志那忘

朱文端公譜

劉桂圃

三十一

廣仁堂
肆百貳拾伍

對命虔 皇情嘗有眷臣節總無偏早歲承綸綍成童受簡
編芳規看表帥函丈獲周旋義府優游永春風坐臥便賦詩
間檢韻味道細烹泉每自威儀謹從知學問全董生醇治術
朱子續心傳十載如旬日高山復大川級長難試綆質魯詎
窺淵惟借開陳力常資接引緣前途初省試往籍事精研方
示尋鄒屐旋招泛泗船高深終莫測言象未忘筌竊意精神
固何期衰病連道存看潤貌身老惜華顛解習安心法參明
藥性禪三年常疾疾晚歲每述邇更受 宸衷德頻蒙 恩

旨宣

賜醫經歲月

資食列甘鮮幾度秋梧落經時春草

芊尊生資攝理養靜悟魚鳶入臘魔纒退頻年病始痊經帷

常一遇日暮薄言旋早識文如斗新叻筆似椽風披重幙外
晴照綺窗邊坐久添光霽來頻領蕙荃如何新歲到轉覺舊
流牽呼僕長扃戶飛花未撲鞦竹爐朝自焙湯劑勉仍煎春
悶憑書籍無心託管絃神清依素几守寂坐麤瓊未及頌春
俸應勞買藥錢東皇今布令黑帝久收權坦履宜悠爾沈疴
定霍然追隨私念切趨步寸心懸況乃須調鼎方看用作尪
時平交正泰 君道建如乾宣力疇堪並陳猷未或先陽
和敷 化國 膏澤被 王田何日趨 朝陛多時隔講筵
裁詩羞未稔有暇賜雕鐫

三子必坦中式江西鄉試舉人

朱文端公年譜

周日新

三七

廣仁堂
卷百肆拾貳

十一年癸丑 公六十九歲

署理翰林院掌院學士

薦雷鎡

案雷公行狀云癸丑會試中式 朝考第一
名朱文端公以踐履篤實才識明通薦改庶

士

十二年甲寅 公七十歲

二月奉

旨朱軾革職等案俱着開復

謹案

高宗純皇帝在藩邸有高安朱老夫子七十壽詩曰節榜中
秋近年方七袞登崧高神已降海屋算應增道與時偕顯身

將壽作朋不妨稱祝夕門第冷如冰

十三年乙卯 公七十一歲

應 詔薦舉博學宏儒四人

南城潘安禮龍泉張振義泰和梁機臨川李紘

也案李斌送趙意林序云雍正十有一年 世宗皇帝特詔開博學鴻詞科令在京三品以上大臣在外

總督巡撫會同學臣薦舉人品端純學問優贍之士以應 御試蓋自康熙己未 召試距茲垂六十年

矣事嚴典曠中外相顧莫敢先發踰年河東督臣舉一人直隸督臣舉二人他莫有舉者 特旨切責諸

臣觀望又踰年大學士高安朱公舉四人而封疆大吏所舉猶趨趨不前云云

六月浙江海塘衝決

特旨召公詢問作何修

築公奏言事難遙度臣願親往浙江料理

天

顏大喜蓋是歲新舊堤壞惟公所築者不壞也

朱多壽公年譜

周日新

三六

廣仁堂
學百陸拾柒

七月十九日奉

上諭浙江海塘工程關係民生最為緊要朕宵旰焦勞不惜多費帑金為億萬生靈謀久遠又安之計所以告誡在事臣工者已至再三矣不料經理諸臣各懷私意彼此參差以致乖戾之氣上干 天和有今年六月風浪潰堤之事今雖勉力搶修尙不知能捍禦秋潮否至於建築石塘工程浩大若諸臣陋習不改仍似從前則大工何所倚賴朕再四思維大學士朱軾廉慎持躬昔曾巡撫浙江諳練塘工今雖年逾七旬精神不逮而董率指示似尙能為朕以此詢問之伊自稱情愿効力著由水路前往令該部給與水程勘合並令沿途

撥兵護送伊子必塔著隨去朱軾到浙之日稽查指授總理
大綱至一切工程事務仍著隆昇程元章等照前辦理俱聽
朱軾節制若大臣中有懷私齟齬者著朱軾據實叅奏朕必
嚴加處分文武官員等有營私作弊或怠玩因循者卽行糾
叅從重治罪欽此謹案

純皇帝在藩邸有送相國朱

先生奉

旨督修海塘詩數載音容接絳帷西風無那送行

時春迴

北闕承

恩綉秋到南天藉指麾自是安瀾咸底

績還教沃土慶豐宜梧窗霽月流光處別後蒼涼思屢遲

帆挂扁舟野水明吳頭楚尾正秋晴思通鎔鐵奇功著政詠

甘棠喜氣迎寥寂遠天迷去路蕭疎寒柳繫離情遙知 賜

朱彥端公年譜

龐球

三十九

廣仁堂
叁百陸拾貳

騎旋歸日帝里應教春色榮

八月出京行至德州驚聞

世宗憲皇帝賓天之訃慟哭昏絕久之少甦奔至阜城縣界

接奉

今上特旨大學士朱軾老臣望重應令回京辦事海塘事務

另派人辦理公聞 命彌切哀感星夜奔馳九月初四日至

京恭請叩謁

梓宮哀慟昏暈扶而後起旋奉 旨著總理事務王大臣處

協同辦事

九月二十五日奉

上諭大學士朱軾在

皇考時宣力多年朕卽位以來總理事務敬慎周詳夙夜匪懈今

皇考梓宮已安奉雍和宮辦理諸事俱屬妥協應加恩以示酬庸之典著賞給拜他喇布勒哈番與伊子朱必坦承襲世襲罔替欽此

十月具陳開墾刑罰鹽政等疏 公知直省督撫諸

臣有以興利爲功者其屬吏奉行不善每致累民莫甚於開墾因有停止丈量之請又念賦稅之外事之

大者莫若刑罰弊之滋者莫甚鹽政公密具條陳並

朱文瑞年譜

傳學海

四十

廣仁堂
六百捌拾叁

蒙覆准通行直省 疏並采入
文集補編

乾隆元年丙辰 公七十二歲

二月充會試正考官得趙青藜等二百四十人 阮葵
生茶

餘客話前明主會試二次者王元美推爲盛事我
朝熊孝感五主會試范文瑞李高陽陳澤州朱高安
張文和史文靖皆三主會試劉
文正介受社宗伯凡四爲總裁

次子璩以迴避別試中式 改翰林院庶吉士 先

是 賜第在外城恐朝回日昃未能從容又 賜第

於 地安門外并 賜金五百兩爲修宅之費

七月恭修

世祖憲皇帝實錄及纂修三禮義疏俱充總裁

八月初八日舊疾大作咯血竟夕不寐蒙 賜葭藥

案雷鉉記西琳鄂文端公遺事云高安公病余往視問廷臣可任大事者高安良久曰西林見經筵堂文集又李元度 國朝先正朱軾事略云高宗諒陰依古禮法致行三年之喪諸王大臣屬望溪草具儀法及 制詔將頒復速望溪至雍和宮討論公常左右之惟恐其言之不用也疾革望溪走視公蹶然興曰子所言三事及九篇之書吾未嘗一日志以聖天子維世礪俗謂子所云禮義之明人材之興也有日矣而吾將溘焉命也夫子性剛而言直幸衰疾支離於世無求否則尚有國武子之禍寘實既沒吾病不支子其懼哉公與望溪同直內閣雖入政事堂衆既退坐必下之行必後之望溪固辭公曰衆爭爲市道交卽此可示之以禮矣

次孫紹功中式江西鄉試舉人

九月十八日未時公薨 先是十三日 御醫以公

朱文端公年譜

朱廉

四十一

廣仁堂肆百柒拾捌

病勢 奏聞 上方有祀事齋戒十四日 諭和親

王至第慰問并賜帑金千兩十五日

皇上親臨 聖心悱惻再顧徘徊始出公口授謝劄命

長子必塔齊 奏隨檢閱生平著述至大易之大過

卦握筆審視似欲有所更定沈吟而罷十六日眷眷

以理財用人爲念繕具遺疏 疏采入文集補編

疏 奏上奉

旨大學士朱軾品行端方學術醇正爲

聖祖簡用之人 皇考眷注有加簡任機務純修清德

望重朝端朕自幼讀書宮中常聞講論卽位以來正資老臣

襄贊昨聞抱恙沈篤朕親往看視尙冀調治痊可今聞溘逝朕心深爲震悼特命輟朝一日親臨祭奠以昭敬禮大臣之誼又賜內帑庫金經理喪事茲覽遺疏拳拳以吏治民生爲念具見忠悃著加贈太傅入祀賢良祠所有應得恤典該部察例具奏欽此尋

賜祭葬

予諡文端其文曰

任隆密勿賴良弼以宣猷禮重老臣眷前勞而賜卹緬儀型之久著陳奠醊以薦馨爾朱軾學術端醇器資凝厚早登詞苑蜚聲著作之庭旋宰花封奏最循良之績入雲司而讞獄平允攸稱出冰鑑以量才公明丕播特膺內擢洵尹陪京沛膏雨於棠陰澤流兩浙肅風霜於柏府憲總萬邦晉領銓衡

朱文端公年譜

朱廉

四十一

廣仁堂
肆百貳拾柒

掌邦典而官方攸敘簡司機務陟綸扉而調燮咸宜

先皇篤念公忠再任海塘重寄朕躬方資啟沃召還台衮崇班迫于積疚已深曾親視疾泊乎奄殂入告復往臨喪預頒內府之金俾營身後之事彝章備舉綸綍頻加於戲持一介之清操蕭然館舍邈平生之道範邈已風規爾靈有知尙其來享

乾隆二年二月十三日發引南歸

上復命前一日著散秩大員一員帶領侍衛十員前往奠酒

並於十三日送其起程再令該部行文沿途地方文

武官弁在一十里以內者俱至櫬弔奠並遣人護送

俾長途安穩早抵故里其柩觀准入城治喪欽此遂

以是年十二月二十四日葬於高安坡山良溪里南

之劍山即公龍城寺肄業處也案袁易齋守定說雲詩鈔有朱文端公墓

下作鵲鷺曾居第一班衣冠常惹御香還獨將經

術勤三聖自起清風播九靈玉魄騎箕蒼昊上石

麟沐雨翠微間尋思雞正五年會試卷落無錫鄒公

考易齋自撰年譜云雍正五年會試卷落無錫鄒公

升恆房薦為本房首卷大總裁沈公近思以後場疵

累落第旋取明通榜第二時朱文端公與閱落卷賞

余文屬同邑朱山立干招往見而余已出都門矣八

年登進士時清江楊勤慈公為吏部郎交端公謂之

日袁叔論是江西一枝筆我擬保舉之楊以告時余

病弱方困念留京必無生理亟請辭免嗣奉旨歸

班者發鄒省學習吏治簽掣湖南文端公謂戶部郎

南昌楊允服口我欲保舉袁叔論而以病辭何以又

往湖南楊以問余余日為我謝相公湖南鄰近可就

彼調攝以一日文字之知愛惜若此真宰相之用心

朱文端公年譜

劉桂圃

四十三

廣仁堂
伍百伍拾柒

家公著周易傳義合訂十二卷是年鄂公爾泰校刊

進呈

御覽賜序

謹案

四庫全書收入經部易類有提要一

篇又同邑吳淨友學濂為刻公文集四卷雷翠庭

鉉為之序略云公學術事功久孚中外生平自視欲

然其所纂輯諸書皆本前賢以裨世教其自著易春

秋公既沒而後傳於世奏疏經廷議施行外未嘗

有稿他序論書記諸作多不存錄溧陽吳君受之公

子乃得若

三年奉

旨立主入祠崇祀其文曰翊熙朝之泰運端重良臣稽冊府

之鴻猷宜崇元祀蓋成勞懋著生平之風規如存斯盛烈昭

垂奕世之寵褒益篤載申綸綍式薦牲醪爾原任大學士朱
軾器資端重學術深醇起自詞垣中外著廉明之譽游登卿
月封疆流仁愛之聲

皇考洞悉公忠晉台輔而恩榮
彌渥朕躬久資講論迄諒陰而倚毗方殷介節清操澹泊弗
渝乎素志光風霽月老成不愧乎名儒於戲流芳竹帛卓然
一代之完人樹範巖廊允矣千秋之茂典列豆籩於祠宇涯
澤攸隆布筵几於里閭湛恩疊沛靈其不昧尙克欽承

四十四年暮春 上追念清操宿學 御製懷舊詩
稱爲可亭朱先生詩曰

皇考選朝臣授業我兄弟四人胥宿儒徐朱及張嵇設席懋

朱文端公年譜

朱廉

四十四

廣仁堂呈
肆百零捌

勤殿 命行拜師禮其三時去來可亭則恆矣時已熟經文
每爲闡經旨漢則稱賈董宋惟宗五子恆云不在言惟在行
而已如坐春風中十三年迅耳先生抱病深 命輿親往視
未肯竟抱紳迎謁乃鞠脛始終弗踰敬啟手何殊爾嗚呼於
先生吾得學之體

嘉慶四年二月二十九日奉

上諭原任大學士朱軾孫嘉淦居官清正其子孫現無出仕
之人着傳諭伯璘張誠基查明朱軾孫嘉淦嫡派子孫擇其
人尙明白者送部帶領引 見將此各傳諭知之欽此江西
巡撫查明給咨公之元孫朱振聲朱景華生員朱晉麟赴部

引 見蒙 恩賞給振聲景華舉人一體會試晉麟
特授直隸固城縣知縣

刻既成得讀張文和公澄懷主人自訂年譜謹補錄

二則

一雍正三年八月

上駐蹕於圓明園以苑東戚畹舊園

賜張廷玉與朱軾及南書房翰林吳士玉等居之園在 御

苑之東相去半里許奇石如林清流若帶曲榭長廊涼臺煥

館之屬無不備具

一乾隆元年正月奉

朱文端公年譜

朱廉

四十五

廣仁堂
叁百壹拾柒

旨着大學士鄂爾泰張廷玉朱軾左都御史福敏侍郎徐元

夢邵基爲皇子師傅着欽天監擇日開學旋據欽天

監擇得二十四日吉是日清晨

皇長子 皇次子到學總管太監傳

旨皇子應行拜師之禮廷玉等固辭遂長揖

賜賚文綺筆硯之屬與雍正元年同少頃

召皇子及廷玉等六人進見

面諭曰皇子年齒雖幼然陶淑涵養之功必自幼齡始卿等

可殫心教導之倘不率教卿等不妨過於嚴厲從來

設教之道嚴有益而寬多損將來皇子長成自知之

也

上顧皇子曰師傅之教當聽受無違二十五日

上親往馬蘭峪謁

陵 奉

旨着果親王大學士朱軾鄂爾泰張廷玉尚書海望在京總

理一切事務

朱文瑞公年譜

周日新

四六

廣仁堂
陸拾零捌

附錄 遺事未得其年者謹附於後

世宗憲皇帝正告廷臣曰如朱軾張廷玉沈近思魏方泰

朕保其終無二心 方苞禮部侍郎魏公墓誌銘

高安朱文端公撫浙有政聲相業亦與韓富相埒今特誌其軼事雍正時以疾罷相寓京師之煤市街屋

僅數椽予往問疾坐床側所見有寒士所不堪者架上僅一篋貯朝衣冠他無長物時筠莊兄督糧潞河

奉十金為壽公啟封顧視笑曰吾意已領矣仍付還其清介絕俗如此 夏之蓉半舫偶輯

朱文端公年譜 廣仁堂 參百陸拾叁
長興芥茶名品朱高安相國撫浙日鮑西岡以二器

獻之受譴案舊聞載李于鱗為浙臬徐子與中行以

芥茶餉之比問及已賞與夫西岡其仿古而為之耶 戴蕞塘吳興詩話

洪亮吉書劉文正公遺事云公之前為大學士者高安文端公朱軾最著立朝大節多人所不能及以采

聽未審敢俟異日 卷施閣集

雷鉉記所聞混同顧公事公生平敬服高安朱公蝶園徐公與望溪先生公嘗言如高安乃真無近名之

心 經笥堂集

又記所聞相國福公語公生平服膺高安朱公曰此

我心之師也

經筵
堂集

阮氏元金沙港三祠記正氣之言始於楚詞遠遊而
文丞相正氣歌實發明之非有死節至行如文山者
不得與也先覺之言始於孟子在獻畝則樂道任天
下則覺民非有任事如阿衡者不得以類從也遺愛
之言始於孔子之泣子產非有功德及斯民如鄭僑
者不可也元今定金沙港之三祠較之六一泉有互
遷者有除者有增祀者云云其定爲增祀者於遺愛
堂增唐李公德裕明胡公憲阮公鶚戚公繼光 國

朝張公鵬嗣趙公申喬朱公軾李公衛八人

學經室
文集

朱文端公金譜

趙恩第

四六

廣仁堂
參百卷拾貳

江藩 國朝宋學淵源記 國朝儒林實不乏人如
湯文正魏果敏李文貞熊文端張清恪朱文端楊文
定孫文定蔡文勤雷副憲陳文恭王文端或登臺輔
或居卿貳以大儒爲名臣其政術之施於 朝廷達
於倫物者具載史宥無煩記錄且恐草茅下士見聞
失實貽譏當世也

〔郭起元〕上方望溪書梁村蔡公語起元當代偉人若

高安相國蜚園力堂兩公德業聞望起元誌之弗敢

忘介石

堂集

〔蔡世遠〕齊泚子傳雍正甲辰舉於鄉兩上公車不第

以相國高安朱公薦授瑞昌縣教諭同人爲之怏怏
汴子怡然曰卽此職便難稱風化之本人才之基豈
易易事蒞任僅五月士習一變學制一新諸生事之
如安定之蘇湖也

二希
堂集

〔晏斯盛傳〕斯盛雍正戊申授山西道監察御史 賜

浮水石硯及筆墨曰此大學士朱軾所進今以賜汝
汝可時時把玩勉爲朱軾可也

新喻
縣志

公凡所薦舉初不令人知或左右微探其端必正
色曰斷自 宸衷非可以私恩市也長御史時

世宗以科道一體命六科亦統於都察院科臣有抗爭者語

朱文端公年譜

趙思第

四十九

廣仁堂
讀書致鑒

并及公公叩頭申救科臣得寬免時以比文潞公之

於唐介云

李元度 國朝
先正朱軾事略

朱文端軾領解後嘗訪其宗同年瑞齡於北湖北湖

密邇縣城居旬餘或人勸之謁邑宰軾弗往蓋名臣

進止其初已嚴正不苟如此

乾隆浮梁
縣志寓賢

